

Uj lat. ir. Qu.

54

R. M. Jr.

T. 46.



CORONA NUPTIALIS.
SERENISS: AC POTENTISS:
PRINCIPIS ET DOMINI,

DN. GABRIELIS

D. G. SAC: ROM: IMP: & TRAN:
PRINCIP: & C: PARTIUM REG: HUNG:

Dn. Sic: Com: &c. Oppulie ac Ratib: DVCIS &c.

Illustriss. SPONSI.

27.

CVM

SERENISSIMA PRINC: AC
DOMINA,

DN. CATHARINA

MARCHIONISSA BRANDEB:

PRUS: IULIÆ, CLIVIÆ: MONTIUM

Sedinorum: Pomer: Cassub: Vandal: &c.

Necnon in SILESIA, CROS: CAR: Duciss: Burg-
graviã NORIN: Rugiæ PRINC: COM: Marce

& Ravenspergij &c. Ravenstenij DOMINA:

Consecrata primùm Heroi SPONSO & Il-

lustri eiusdemq: S PONSÆ Heroe & amabili: Dehinc RE-

ACADEMIA Dn. 41. iverfis etiam

ROYVITARA die solenni Ne. roceribus et &c. Ipto

Anno: GabrleLI BethLeMlo Katharl-

na BranDebVrga est IVa Vlt a Vlt.

Ab ANDREA Teutovillano Sereniss. Dn. Principis

Beneficiario.

BARTPHAE.

Typis IACOBI KLÖSZ.

CHRISTO DUCE
&
A VSPICE CHRISTO.

Nunc thalamos festos & casti fœdera lecti
Conventusque Ducum REGUM, celebresque
Dynastas,
Iam memorare licet, Geniali carmine Vatum,
Regifico instructos luxu, plausuque recenti.
Dum GABRIEL PRINCEPS, nulli virtute secundus,
Coelicolum auxilio tædas init ipse jugales
Cum BRANDBURGIACÂ CATHARINÂ Principe, passim
Signum lætitiæ sonat hinc, sub sydere, nec dum,
Quid prius hinc tanto sonuerunt omnia plausu:
CHRISTE VENI, mentem, vires animumq; gubernas.

Psal: 127.

Benedicat tibi Dominus ex Sion, ut videas bo-
na Hierusalem, omnibus diebus vitæ tuæ,
& videas filios filiorum tuorum.

AD SERENISS: PRINC: AC DOMINVM
DN. GABRIELEM, SPONSUM SE-
cundum, verè secundum:

DVm Princeps Patrius, vidui post fata
cubilis (Musæ
Vincula Conjugij felix init: huc quoque
Accurrant, & Pieridû pia numina vatû,
Hûc agite? ac sensim dignas date carmine laudes,
Innumeri hûc properent Proceres Regniq; Dynasta.
Quos generis comitatur honos, & gloria summa.
Hûc agite? Augusto & læto nunc tempore, lætis
Auspiciis tandem submitтите lilia Nuptis;
Te prius hic versu Dux Illustrissime BETHLEM,
Nunc memorare decet, non ficto carmine Vatûm,
Ductor ades? thalamiq; fave veneranda canenti
Iura tui, & sanctas decorantem carmine tædas,
Respice: sic nostris audacibus annue cœpris.
Quid referam prius elogij? quo sine quiescam,
Virtutesnè canam? laudesq; tuas? bone Princeps.
Hungara progenies, toto celeberrima mundo,
Marte potens, rerum successu nonnè secundo?
Sicq; favente DEO torques fastigia rerum
Aurea cui CHRISTUS Divinæ munera Legis
Concessit, moresq; pios & pectora plana:
Hic te dissimili haud sociat nunc sanguine Princeps,
MARCHIADIS CATHARINÆ sumens foedera lecti.
Quòd precor, ut CHRISTUS præsentì pignore firmet

In te animum, juncta CATHARINA Principe, Prin-
Quæ tecum vitæ feliciter exigit annos, (ceps.
Et redeat clarus tandem post nubila Phœbus,
Haud te spes fallet GABRIEL, sunt signa probata,
Em dotata venit casto tibi corpore, Sponsa.
Respice virtutes dignas, vultusque pudore
Ornatos? puri generosa sacraria cordis?
Connubio lætare tuo, Sponsamque benigno
Amplexare animo, pariter da basia mille.
Sic vestro semper CATHARINA arrideat ori.
Quæ tibi descendit clarâ hæc à stirpe Nepotum
MARCHIADUM, quorum jam dudum innotuit orbi
Præcellens virtus cum priscis cognita fastis:
O Sponsæ ô Princeps ô proles magna Parentum,
Hoc sapientis opus, restauras tempore & hocce,
Brumali adveniunt gelidi cum sydere soles:
Nunc emit hîc frondes, hîc vulpem subijcit, ille
Corrutas firmat sedes, gaudetque calore:
Tu melius CATHARINAE solvens colla lacertis,
Quæ vita hac durante existet candor & ignis:
Des operam licito natura quod urget amori,
BETHLENO sique novos gignas nec inutilis ætas
Transseat, hoc rerum licitus ceu postulat usus.
Quod si Sponsæ piâ tu prole beaveris aulam
Hûc ego cum Cythara medium in penetrabile rever-
Atque novas læto modulabor carmine cunas: (tar
Muneris hoc ipsis præstet moderator Olympi,
Suppeditet votis nostris, potiora, precamur.

FLOSCULO VIRTUTUM
SERENISSIMÆ PRINCIPI AC
DOMINAE,
DN. CATHARINÆ,
MARCHIONISSÆ BRANDENBURGICÆ:

SALVE præclarum Virtutis Numen &
omen (nusta.
Salve Bethlenij GABRIELIS Sponsa ve-
Haud te poeniteat fortunatissima Nym-
pha

Principe quod nostro Heroi, pia fœdera jungas.
De quo si vellem tenui nunc scribere versu,
Eloquar haud parvum ast magnâ virtute potentem
BETHLENIUM, cujus nullo delebitur ævo
Nomen: quis melior? dic quis studiosior æqui?
Quem patrium decus exornat, quem virtus avita
Et pia cepta beant, verisque coloribus ornant.
Non ille ignarus Legum, Jurisque Latini,
Non rudis Ausonia, non artis amabilis experts,
Sed doctus Princeps, & summus amator honesti
Tum pietate gravis retinens simul æris acervos:
Eja igitur virgo Patriis illabere terris,
Sisque tuo Sponso felix ô Sponsa benigna?
Prole bea, vestro veniat de semine Princeps,
Successor Patris, Patriæ, Regnique levamen.
Aspice nunc saltem latentur ut omnia, passim
Numina, cum thalamis properas dare jura sacrata

Aspice turmatim, ut veniat gens Hungara ab oris
Omnes ingeminant plausum, votisque precantur
Annuat ut CHRISTUS cœptis, thalamûq; secundet.
Vive diu CATHARINA tuo cum conjugè, Conjunx,
Salvete æternùm Hungariæ, æternùmq; valete.



PARAENESIS DIRECTA:
AD ILLVSTRISSIMOS DOMINOS
PROCERES ET BARONES, REGUM Du-
cumq; sustinentes præsentiam, in hocce
solenni convivio Nuptiali, cujus-
cunq; dignitatis, honoris,
& officij fuerint.



OS Proceres pariter Regumq; Ducumq;
tenentes
Nuncia, nunc inter latices Epulasque
Deorum,
Iam Festa hîc agitantès CASSAE, gaudia, passim
Magnifici Comites sublustris turba Baronum
Quos Princeps GABRIEL ceu gemmam observat
honore
Dux pius & sapiens ex æquo amplectitur omnes
Nuncius hîc vel sit Romani præsulis, hîcce,
Invicti ceu sit FERDINANDI Cœsarîs Heros.
Esto sane HISPANIÆ Regis pariterque pôtentis

Anglus

Anglus opum Dives, sit fortis Danus & ipse
Gallus adest agilis, audax quoque Sarmata Pannon.
Quisquis adest tandem, Festa hæc convivia tractans
Hic veteres æquans Grajos veteresque Latinos.
Atque novo hospitio indulgens, & fessa Lyæo
Corpora restaurans multo, cum Nectare dulci
Vobiscum voluit sacras consumere tædas,
Majestate animi ante alios, quæ Principe digna est
Hic Princeps Gabriel, sperans pia fœdera Regum
Quæ conjuncta valent, franguntur singula telo,
Et sunt felices quos fert concordia Cives:
Pax ades auratis frontem redimita capillis
Et refer antiquum dilapsi temporis ævum
Excedat terris rigido Bellona flagello
Aspera, pax nostras æternum protegat oras.



APPLAVSVS PROCERVVM REGNI
HUNGARIAE.

Ejusdemque Gentis summa congra-
tulatio.

HAmque dies cœlo dimittitur illa sereno
Cum Princeps GABRIEL Catharinæ
foedera jungit
Dicamus bona verba: Venit Dux Spon-
sus ad Aras,

Reddamus pia vota DEO, reddamus honores,
Ex animo nobis in vota secunda, secundis
Auspiciis veniunt, indultu nempe IEHOVA
Qui nimium clemens prospexit ab axe sereno,
Pannoniæ læto dans signa faventia plausu.
Discidiis medio submotis omnibus, inter
Christiános, Christiána manent pia foedera Reges
Cedant auratæ Mavortia classica paci.
Cedant arma togæ, post tot fera prælia terris.
Pacis eat seclum, pacem te poscimus omnes,
Omnibus hoc toto sit votum gentibus orbe.
Quis neget hoc verum: Dùm Princeps Sponsus
amori

Serviat en licito? memor hîc pariterque salutis,

Nec

Nec vult obscœnæ regnare libidinis æstus
Sed castæ castum CATHARINAE adjungere fœdus.
Salve Festa dies thalami salвете pudici,
Salve dux Patriæ; tu nunc nova gloria terræ.
Fata canunt; tibi partus honos per secla Nepotum
Effert se longum passim tua fama per orbem.
Annus at exactis, (complendo tempora cursu)
Mensibus, ante pedes atque ora utriusque Parentis,
Parvulus in magnâ ludat BETHLENIUS, aulâ.



MVNVS



Munus Precum
REVERENDORVM DOMINORVM
PASTORUM, HUNGARICARUM
Ecclesiarum.

O PRINCEPS hederam sacram,
Nos contexuimus, piumq; munus
Virentem tibi nempe Coronam,
Nostrarum precum Antidoton.
Musæ namq; hederâ albicante
Cingere solent tempora Heroum
Dona parva, tu Princeps benigne
Sume æquâ lance, rogamus:
Quæ nos officiosa turba, tanquam
Divis debita thura dedicamus.



AVTHORIS VOTVM.

O Pro te bone Sponse IESU,
Sponsis novellis adesto, vocatus
Supplici prece, nec spernas,
Vota piorum.


Da precor Sponso Pylios
Vt vivat annos, Sponsaque
Tandem beet prole piã
Nomen avorum.

Splendescant terris, felici
Vtentes fortunã vndiquaque,
Splendeant tandem nitore avi
Tempore cuncto.

Præstet hoc illis Sancta Trias
Cujus gloria æternum reboat,
Haud obliquã, vota hæc acta,
Mente precabor.



M. ACADEMIA
KÖNYVTÁRA





FLOSCULO VIRTUTUM
SERENISSIMÆ PRINCIPI AC
DOMINÆ,
Dn. CATHARINÆ,
MARCHIONISSÆ BRANDENBURGICÆ:



ALVE præclarum Virtutis Numen &
omen (nusta.
Salve Bethlenij GABRIELIS Sponsa ve-
Haud te pœniteat fortunatissima Nym-
pha

Principe quod nostro Heroi, pia fœdera jungas.
De quo si vellem tenui nunc scribere versu,
Eloquar haud parvum ast magnâ virtute potentem
BETHLENIUM, cujus nullo delebitur ævo
Nomen: quis melior? dic quis studiosior æqui?
Quem patrium decus exornat, quem virtus avita
Et pia cepta beant, verisque coloribus ornant.
Non ille ignarus Legum, Jurisque Latini,
Non rudis Ausonia, non artis amabilis experts,
Sed doctus Princeps, & summus amator honesti
Tum pietate gravis retinens simul æris acervos:
Eja igitur virgo Patriis illabere terris,
Sisque tuo Sponso felix ô Sponsa benigna?
Prole bea, veltro veniat de semine Princeps,
Successor Patris, Patriæ, Regni que levamen.
Aspice nunc saltem lætentur ut omnia, passim
Numina, cum thalamis properas dare jura sacrata

Copy - az MTAK
Kézirattár anyagából

RMN7 1349

